



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 483. Usque Ad Annum 561.

**Fleury, Claude**

**August. Vind. [u.a.], 1759**

**VD18 90117824**

§. 57. Persecutio in Africa.

---

[urn:nbn:de:hbz:466:1-66066](https://nbn-resolving.org/urn:nbn:de:hbz:466:1-66066)

cha, has litteras Anastasius addito imperio repetiit, quod Dignitati suæ contumeliosas crederet. Macedonius eas reddere fortiter recusabat, dicens, nunquam commissurum se, ut ita Fidem proderet. Hæc constantia Persecutionem in se concivit. Inimici Macedonii sicarium nomine Acholium subornarunt, qui interceptum gladio confoderet. Macedonius re comperta, ut Bonum pro Malo redderet, Acholio censum annum constituit. Eadem misericordia fuit in alios quosdam pauperes, qui Ecclesiam diripuerant.

Sæculum VI.  
A. C. 506.

§. LVII.

*Persecutio in Africa.*

In Africa quoque Persecutio in Christianos recruderat. Guntamundus Rex, cum anno 484. Hunerico successisset, dedit Pacem Ecclesiæ, & Catholicos ab Exilio revocavit. Nihilominus aliquod Persecutionis genus non defuit. Anno Regni sui tertio Carthaginensibus Cœmeterium S. Agilei, revocato ab Exilio Eugenio eorum Episcopo, restituit. Anno decimo, nempe 494. omnes Ecclesias aperiri iussit, postquam annis decem mensibus sex diebus quinque, a septima Febr. anni octavi regnantis Hunerici usque ad diem ultimam Aug. hujus anni, clausæ fuissent. Guntamundus etiam

Sup. n. 12.  
Isid. Hist.  
Vand. æra  
514. Vict.  
Tun. Chr.

M 2

S. Eu-

Sæculum VI S. Eugenii precibus dedit, ut cæteros  
A. C. 506. omnes Episcopos revocaret. Sed eum

*Procop. 1.*  
*Vand. c. 8.*  
*Vit. S. Fulg.*  
*c. 16. Boll.*  
*1. Jan.*

*Martyr.*  
*Rom. 13.*  
*Jul.*

*Vit. Tun.*

post biennium fatum abstulit, successitque frater ejus Trasamundus 24. Sept. anno 496. Is aliis intentatam viam persequendi Catholicos ingressus, vim nullam contra Antecessorum suorum morem inferebat, sed Munera, Dignitates, Divitias, aut flagitiorum impunitatem a fide defecturis promittebat. Episcopos in Ecclesiis, quæ vacarent, ordinari prohibuit. Verum qui superstites erant Episcopi hoc mandatum contemnere communi omnium consilio decreverunt. Sperabant mora Regis iram mitigari posse, aut certe, si Persecutio efferveret, recens ordinatos Pastores populis solatium, & opem allaturos, & Martyrii corona decorandos. Hoc inter Episcopos anno 507. statutum fuisse creditur, cum ante annos duos Eugenius Carthaginensis ad Superos migrasset Albygæ in Galliis, ubi celebris est ejus Memoria, atque sicut & in tota Ecclesia 13. Julii honorifice colitur. Forte illo missus fuerit a Trasamundo, qui amicus erat Alarici Visigothorum Regis, & etiam Ariani. S. Eugenius Theodoro Consule, seu anno 505. obiit.

Quemadmodum inter Episcopos convenerat, cito multi Presbyteri, & Diaconi eligebantur, qui sine mora assumebantur,

bantur, & consecrabantur Episcopi. Urbs <sup>Sæculum VI.</sup>  
 quælibet Electionem urgebat, ne cœte- <sup>A. C 506.</sup>  
 ris segnior in deligendo Præsule, qui Se-  
 dem vacantem impleret, videretur. Bre-  
 vi tempore omnes Provinciæ Byzacenæ  
 Cathedras novi Episcopi occuparunt.  
 Infremuit Rex, omnesque in Exilium  
 pellere, & omnium primo Victorem Pri-  
 matem, qui eos ordinaverat, statuit.  
 Comprehensus est Victor, & Carthagi-  
 nem deductus; hinc novarum Ordina-  
 tionum lætitiæ major luctus excepit.  
 Illo tempore ordinatus est Fulgentius E-  
 piscopus Ruspensis, celebri ejusdem Pro-  
 vinciciæ urbe. At adeo illustris est hujus  
 Viri fama, ut ejus exordia altius repeti  
 mereantur.

## §. LVIII.

*S. Fulgentii Principia.*

Sanctus Fulgentius nobilissimo genere <sup>Vit. e. 2.</sup>  
 ortus erat Carthagine. Gordianus  
 Senator Avus ejus cum pluribus aliis a  
 Genferico expulsus, in Italiam fugerat,  
 ibique fatis functus est. Ex Filiis ipsius  
 duo in Africam redierunt, sperantes, Hæ-  
 reditatem Paternam se posse recipere.  
 At, cum Carthagine, ubi Domus eorum  
 Arianorum Presbyteris in prædam cesserat,  
 habitare non possent, Sedem elegerunt  
 Telepti in Byzacena, ubi eis aliquot  
 agri Regis imperio restituti. Horum fi-  
 liorum